

Inzko se sastao sa Gordonom: Odlaganje formiranja vlasti sprečava napredak zemlje



Na današnjem sastanku sa pomoćnikom državnog sekretara SAD-a za evropska i evroazijska pitanja Philipom Gordonom u Sarajevu, visoki predstavnik i specijalni predstavnik EU Valentin Inzko pozdravio je nedavni napredak u formiranju državnog parlamenta, istovremeno izražavajući ozbiljnu zabrinutost zbog činjenice da još uvijek ne postoji dogovor oko novog Vijeća ministara. "BiH je već izgubila previše vremena, a ipak se odlaganja nastavljuju," rekao je Inzko. "Politički lideri se slažu oko toga šta treba učiniti da zemlja kreće naprijed, ali se prepiru oko ministarskih mjesata, dok se obični ljudi bore da prežive, a Bosna i Hercegovina sve više i više zaostaje za drugim zemljama regionala".

Prezentirajući pomoćniku sekretara SAD-a podatke o najnovijim političkim događajima, visoki predstavnik i specijalni predstavnik EU je konstatirao da prebacivanje Ratka Mladića u Međunarodni tribunal za zločine počinjene u bivšoj Jugoslaviji u Hagu predstavlja veliko olakšanje za sve one koji žele da pravda pobijedi, uključujući žrtve ratnih zločina i njihove porodice. Konstatirajući činjenicu da su Sjedinjene Države imale ključnu ulogu u potkopavanju mreže koja je Mladiću omogućavala da izbjegava pravdu šesnaest godina, visoki predstavnik i specijalni predstavnik EU Inzko je rekao: "